

CONCURSO DE DESEÑO DE CARTEL E VÍDEO PARA DAR PUBLICIDADE AO PROTOCOLO DE ACTUACIÓN ANTE SITUACIÓNS DE ACOSO SEXUAL, POR RAZÓN DE SEXO, POR ORIENTACIÓN SEXUAL E IDENTIDADE OU EXPRESIÓN DE XÉNERO

A Universidade da Coruña aprobou o Protocolo de actuación ante situacións de acoso sexual, por razón de sexo, por orientación sexual e identidade ou expresión de xénero na UDC, no Consello de Goberno do 30 de outubro de 2019.

Todas as persoas teñen dereito a levaren a cabo o seu traballo ou a súa actividade libres de acoso sexual e por razón de sexo, con pleno respecto á súa intimidade e integridade física e moral.

A UDC debe contribuír á prevención da aparición de condutas que poden considerarse sexistas co fin de garantir esa protección tanto ao persoal traballador como ao alumnado. Coa elaboración do protocolo a nosa universidade pretende poñer á disposición de calquera persoa que manteña algún tipo de relación con ela unha ferramenta para a prevención e protección fronte a posibles situacións de acoso sexual, por razón de sexo, por orientación sexual e identidade ou expresión de xénero, garantindo sempre a confidencialidade.

Coa intención de darlle unha maior publicidade e visibilidade ao protocolo, convócase este concurso.

ORZAMENTO

Para a concesión destes premios destinarase un total de 500 euros con cargo á partida orzamentaria 1700440110 422D 640.00.

BASES

1. Participantes

Poderán presentarse ao certame de xeito individual todas as persoas integrantes da comunidade universitaria da UDC, isto é, PAS, PDI, alumnado dos distintos niveis (graos, mestrados, doutoramento, títulos non EEES) e persoal contratado.

2. Requisitos técnicos

As presentacións deben ser nos seguintes formatos:

- Cartel: entregarse o cartel en formato jpg con 300 ppp.
- Vídeo: o vídeo terá unha duración de 2 minutos como máximo e 1 minuto mínimo. Entregarase un arquivo en formato mp4 en calidade de imaxe HD.

3. Premios

Os premios para as dúas mellores obras consistirán nunha dotación económica de:

- Premio para cartel: 250 €
- Premio para vídeo: 250 €

Os premios están suxeitos á normativa que rexe os impostos das persoas físicas.

Se o xurado o estimar conveniente poderá deixar algúns ou todos os premios desertos.

Código Seguro De Verificación	q5hyIw2whL2UnNvsbejTWA==	Estado	Data e hora
Asinado Por	Cristina López Villar - Vicerr. de Igualdade, Cultura e Deporte	Asinado	02/09/2020 21:51:14
Observacións		Páxina	1/5
Url De Verificación	https://sede.udc.gal/services/validation/q5hyIw2whL2UnNvsbejTWA==		



4. Dereitos

A Universidade da Coruña, resérvase o dereito de difusión das obras presentadas en publicacións e exposicións relacionadas co concurso e na publicidade sobre o protocolo ao que fai referencia o concurso, sempre facendo mención da autora ou autor, que non perde a propiedade do seu traballo.

Ademais das obras premiadas o xurado poderá escoller un número variable de obras que considere de interese para unha posible exposición virtual na páxina web da universidade. As devanditas obras seleccionadas son propiedade de cada autor/a que só cederán temporalmente os dereitos sobre as imaxes para a exposición que tivese lugar, tras o cal seranlles devoltos.

5. Información que debe figurar nas propostas de cartel e de vídeo

Tanto o cartel como o vídeo deben orientarse a dar publicidade ao “Protocolo de actuación ante situacións de acoso sexual, por razón de sexo, por orientación sexual e identidade ou expresión de xénero” da UDC, que se pode atopar na ligazón: https://www.udc.es/export/sites/udc/oficinaigualdade/galeria_down/documentos/Protocolo-de-actuacion-ante-situacions-de-acoso-sexual-por-razon-de-sexoorientacion-sexual-e-identidade.pdf_2063069294.pdf, cun folleto resumen en: https://www.udc.es/export/sites/udc/oficinaigualdade/galeria_down/documentos/Protocolo-UDC-galego.pdf_2063069294.pdf

Inspirándose na información que aparece nas ligazóns anteriores, no cartel e no vídeo deberá aparecer, polo menos, información sobre o “Por que e para que?” do protocolo, o seu ámbito de aplicación, e a información necesaria para iniciar o procedemento de denuncia.

6. Solicitudes

Só se poderá presentar unha solicitude por persoa para cada unha das categorías do premio.

Para a inscrición deberase achegar a seguinte documentación:

1. A solicitude debidamente cuberta que se inclúe como Anexo 1
2. O Consentimento para a obtención de datos persoais: captación e difusión de imaxes, que se inclúe como Anexo 2, debidamente cuberto e asinado
3. Fotocopia do DNI
4. Un CD ou memoria USB coas obras presentadas. Na portada do CD deberá incluírse o nome da autora ou autor e as categorías ás que se presenta.

A UDC resérvase o dereito de poder esixir ás persoas seleccionadas aqueles documentos que estime oportunos para acreditar a súa vinculación coa Universidade da Coruña.

No caso de que aparezan persoas recoñecibles nos vídeos ou no cartel, deberase acompañar dunha carta asinada polas devanditas persoas autorizando o uso da súa imaxe, ou, en caso de que as devanditas persoas recoñecibles sexan menores de idade, unha carta asinada polo pai e a nai ou os titores do/da menor.

7. Prazo e lugar de entrega

A documentación, dirixida á Oficina para a Igualdade de Xénero, entregarase nos rexistros dos Campus da Coruña ou de Ferrol situados en:

Código Seguro De Verificación	q5hyIw2whL2UnNvsbejTWA==	Estado	Data e hora
Asinado Por	Cristina López Villar - Vicerr. de Igualdade, Cultura e Deporte	Asinado	02/09/2020 21:51:14
Observacións		Páxina	2/5
Url De Verificación	https://sede.udc.gal/services/validation/q5hyIw2whL2UnNvsbejTWA==		



- Rexistro Xeral: Reitoría, A Maestranza, 15001 A Coruña.
- Rexistro Auxiliar de Elviña (campus da Zapateira): Local nº 1 (baixo) da Facultade de Ciencias no Campus da Zapateira.
- Rexistro Auxiliar de Ferrol: Edificio de Usos Administrativos, campus de Esteiro, 15403 Ferrol.

Deberase **adiantar por correo electrónico a oficina.igualdade@udc.gal unha ligazón para descarga dos ficheiros no servizo de Onedrive da UDC** indicando no asunto "Concurso protocolo" e incluíndo no corpo da mensaxe os datos da autora ou autor e a categoría á que se presenta.

O prazo de presentación de solicitudes permanecerá aberto desde o día da publicación desta convocatoria ata as **14 h do venres 23 de outubro**.

8. Xurado

O xurado estará presidido pola vicerreitora de Igualdade, Cultura e Deporte ou a persoa en quen delegue, e del formarán parte dous membros do PDI como vogais xunto coa directora (que actuará como Secretaria) e a subdirectora da Oficina para a Igualdade de Xénero. A directora e a subdirectora da Oficina para a Igualdade de Xénero actuarán con voz pero sen voto.

As persoas que actuarán como vogais titulares serán as seguintes:

- Asunción López Arranz
- Ana Jesús López Díaz

O Xurado resolverá todas as cuestións non reflectidas nesta convocatoria e que puideran suscitarse. A súa decisión será firme e inapelable.

A participación no concurso comporta a aceptación expresa de estas bases.

9. Protección de datos

As persoas candidatas deben asinar e entregar, xunto coa candidatura, o documento incluído como ANEXO 2, de Consentimento para a obtención de datos persoais: captación e difusión de imaxes.

Asinado dixitalmente na Coruña pola vicerreitora de Igualdade, Cultura e Deporte

Código Seguro De Verificación	q5hyIw2whL2UnNvsbejTWA==	Estado	Data e hora
Asinado Por	Cristina López Villar - Vicerr. de Igualdade, Cultura e Deporte	Asinado	02/09/2020 21:51:14
Observacións		Páxina	3/5
Url De Verificación	https://sede.udc.gal/services/validation/q5hyIw2whL2UnNvsbejTWA==		



ANEXO 1

CONCURSO PARA PUBLICIDADE DO PROTOCOLO DE ACTUACIÓN ANTE SITUACIÓNS DE ACOSO SEXUAL, POR RAZÓN DE SEXO, POR ORIENTACIÓN SEXUAL E IDENTIDADE OU EXPRESIÓN DE XÉNERO DA UDC

Nome:Apelidos:.....DNI:

Correo electrónico:.....Teléfono de contacto:.....

Dirección postal:.....

Grupo ao que pertence: PAS.....PDI.....Alumnado.....Outros.....

Categoría á que se presenta: Cartel.....Vídeo.....

Enade de 2020

Asinado:.....

OFICINA PARA A IGUALDADE DE XÉNERO.

Edif. de Servizos Administrativos . Campus de Esteiro, Ferrol

Código Seguro De Verificación	Estado	Data e hora
q5hyIw2whL2UnNvsbejTWA==	Asinado	02/09/2020 21:51:14
Asinado Por	Cristina López Villar - Vicerr. de Igualdade, Cultura e Deporte	
Observacións	Páxina	4/5
Url De Verificación	https://sede.udc.gal/services/validation/q5hyIw2whL2UnNvsbejTWA==	



ANEXO 2: CONSENTIMENTO PARA A OBTENCIÓN DE DATOS PERSOAIS: CAPTACIÓN E DIFUSIÓN DE IMAXES

En virtude do artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos, informamos de que os datos que nos facilite serán tratados baixo a responsabilidade da Universidade da Coruña (UDC), cuxos datos de contacto son: rúa Maestranza 9, 15001, A Coruña, teléfono 981 167 000, correo electrónico secretariaxeral@udc.gal.

Mediante a sinatura do presente documento, autorizo á Universidade da Coruña á **captación de imaxes e/ou voz (fotografías e vídeos) con motivo da participación no acto de entrega do premio do CONCURSO DE DESEÑO DE CARTEL E VÍDEO PARA DAR PUBLICIDADE AO PROTOCOLO DE ACTUACIÓN ANTE SITUACIÓNS DE ACOSO SEXUAL, POR RAZÓN DE SEXO, POR ORIENTACIÓN SEXUAL E IDENTIDADE OU EXPRESIÓN DE XÉNERO**. Así mesmo:

- Autorizo a utilizar os datos tomados **en calquera das contas oficiais das redes sociais da Universidade da Coruña, na súa páxina web, informes internos ou en calquera publicación que esta edite ou publique**.
- Autorizo a que os meus datos sexan cedidos ou comunicados aos seguintes destinatarios: **medios de comunicación locais, autonómicos e nacionais (prensa escrita/dixital, tv e radio)**.

Os datos trataranse durante o tempo imprescindible para cumprir coa citada finalidade e serán conservados durante un período de 6 anos.

En calquera caso, a persoa interesada terá dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Así mesmo, terá dereito a non ser obxecto de decisións individuais automatizadas, incluída a elaboración de perfís.

Tales dereitos poderanse exercer dalgunha das seguintes formas:

- principalmente, a través do “Formulario para o exercicio dos dereitos en materia de protección de datos persoais”, que se pode cubrir desde a Sede Electrónica da UDC no apartado de “Outros trámites”;
- mediante solicitude ao responsable de tratamento dos datos (UDC, Secretaría Xeral), ao enderezo: Secretaría Xeral, Reitoría da Universidade da Coruña, rúa Maestranza 9, 15001 A Coruña, ou ao correo electrónico rpd@udc.gal; tamén poderá presentarse a solicitude a través do rexistro telemático desta Sede Electrónica ou nos rexistros presenciais da UDC.
- mediante solicitude á delegada de protección de datos, ao mesmo enderezo postal anteriormente indicado, ou ao correo electrónico dpd@udc.gal; tamén se poderá presentar a solicitude a través do rexistro telemático desta Sede Electrónica ou nos rexistros presenciais da UDC.

Así mesmo, as persoas interesadas terán dereito a presentar unha reclamación ante a Axencia Española de Protección de Datos (AEPD).

Nome e sinatura da persoa que autoriza (candidato/a, se é menor de idade nai, pai ou titor/a do candidato/a):

Lugar e data:

Código Seguro De Verificación	q5hyIw2whL2UnNvsbejTWA==	Estado	Data e hora
Asinado Por	Cristina López Villar - Vicerr. de Igualdade, Cultura e Deporte	Asinado	02/09/2020 21:51:14
Observacións		Páxina	5/5
Url De Verificación	https://sede.udc.gal/services/validation/q5hyIw2whL2UnNvsbejTWA==		

